



ლანჩხუთის მუნიციპალიტეტის საკრებულო



ოქმი:ო31.31221311

თარიღი:11/05/2022

ლანჩხუთის მუნიციპალიტეტის საკრებულოს რიგგარეშე სხდომის ოქმი N8

ქ. ლანჩხუთი

05. 05. 2022 წელი

საკრებულოს სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე, მუნიციპალიტეტის საკრებულოს თავმჯდომარის მოადგილეები ვერიკო კვიციანი და გიორგი ჩახვაძე, საკრებულოს იურიდიულ საკითხთა და ეთიკის კომისიის თავმჯდომარე გიორგი ხელაძე, საკრებულოს სოციალურ საკითხთა, განათლების, კულტურისა და ახალგაზრდულ საქმეთა თავმჯდომარე კარლო კვიციანიშვილი, საკრებულოს საფინანსო-საბიუჯეტო კომისიის თავმჯდომარე ალექსანდრე მახათაძე, საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე ზაზა წულაძე, საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი იმნაიშვილი, საკრებულოს ფრაქცია „ქართული ოცნება-დემოკრატიული საქართველოს“ თავმჯდომარე ია მოქია, საკრებულოს ფრაქცია „ერთიანი ნაციონალური მოძრაობის“ თავმჯდომარე კახაბერ ასკურავა, ფრაქცია „ლანჩხუთი საქართველოსთვის“ თავმჯდომარე მაკა მშვიდლობაძე, საკრებულოს წევრები (სარეგისტრაციო ფურცელი თან ერთვის), საკრებულოს აპარატის პირველი რანგის პირველადი სტრუქტურული ერთეულის ხელმძღვანელი (აპარატის უფროსი) ნინო ძიძიგური, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბზეკალავა, საკრებულოს აპარატის მესამე რანგის პირველი კატეგორიის უფროსი სპეციალისტი მარიამ კუპრაძე, საკრებულოს აპარატის მესამე რანგის პირველი კატეგორიის უფროსი სპეციალისტი იურიდიულ საკითხებში რუსუდან გვარჯალაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი ცირა ბზეკალავა.

მოწვეული სტუმარი: მუნიციპალიტეტის მერიის იურიდიული სამსახურის უფროსი შოთა ჩაგუნავა.

საკრებულოს თავმჯდომარემ ბესიკ ტაბიძემ სოლიდარობა გამოუცხადა უკრაინელ ხალხს და მიმართა სხდომაზე მყოფთ წუთიერი დუმილით პატივი მიეგოთ ომში დაღუპული ადამიანების ხსოვნისთვის.

საკრებულოს თავმჯდომარემ ბესიკ ტაბიძემ აღნიშნა, რომ რიგგარეშე სხდომა მოწვეულ იქნა მუნიციპალიტეტის მერის წინადადების საფუძველზე. საკრებულოს თავმჯდომარემ ბესიკ ტაბიძემ სხდომას გააცნო დღის წესრიგი:

1. „ლანჩხუთის მუნიციპალიტეტში მეწარმეობის განვითარების ხელშეწყობის (პროგრამული კოდით 02 11) პროგრამის განხორციელების შესახებ“ ლანჩხუთის მუნიციპალიტეტის საკრებულოს დადგენილების დამტკიცების თაობაზე.

/მომხსენებელი შოთა ჩაგუნავა/

დღის წესრიგის პირველი საკითხი: „ლანჩხუთის მუნიციპალიტეტში მეწარმეობის

განვითარების ხელშეწყობის (პროგრამული კოდით 02 11) პროგრამის განხორციელების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის იურიდიული სამსახურის უფროსმა **შოთა ჩაგუნავამ**. მან განმარტა, რომ ლანჩხუთის მუნიციპალიტეტის მეწარმეობის განვითარების პროგრამის (შემდგომში - პროგრამა) განხორციელების წესი წარმოადგენს ლანჩხუთის მუნიციპალიტეტის 2022 წლის ბიუჯეტში არსებული ლანჩხუთის მუნიციპალიტეტის მეწარმეობის განვითარების საბიუჯეტო პროგრამის განხორციელების ძირითად საფუძველს და მარეგულირებელ აქტს.

პროგრამის მიზნებს წარმოადგენს:

- ა) სოფლის მეურნეობის (მათ შორის, სასოფლო-სამეურნეო კოოპერაციის) მხარდაჭერა;
- ბ) აგროტურისტული პოტენციალის განვითარება;
- გ) ადგილობრივ დონეზე გენდერული თანასწორობის პოლიტიკის გაძლიერების ხელშეწყობა, მათ შორის სოფლად მცხოვრებ ქალთა ეკონომიკური გაძლიერება და სოციალური ინკლუზიის ხელშეწყობა;
- დ) დასაქმების ხელშეწყობა.

პროგრამის პარტნიორი შეიძლება იყოს ნებისმიერი ფიზიკური ან იურიდიული პირი:

- ა) ვისგანაც მუნიციპალიტეტს გააჩნია გრანტის მიღების უფლება;
- ბ) რომელიც არაფინანსურად მხარს უჭერს პროგრამის განხორციელებას.

პროგრამის საკოორდინაციო სამდივნო (შემდგომში - სამდივნო), წარმოადგენს ლანჩხუთის მუნიციპალიტეტის მერის (შემდგომში - მერი) სათათბირო ორგანოს, რომელიც იქმნება მერის ბრძანების საფუძველზე, პროგრამის კოორდინაციის, კონკურსის ორგანიზების, მონიტორინგისა და შეფასების მიზნით.

2. სამდივნოს შემადგენლობაში სავალდებულოდ და თანამდებობრივად შედიან:

- ა) საკრებულოს საფინანსო-საბიუჯეტო კომისიის წარმომადგენელი;
- ბ) საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის წარმომადგენელი;
- გ) საკრებულოს გენდერული თანასწორობის საბჭოს სამი წარმომადგენელი;
- დ) მერის მოადგილე;
- ე) მერიის ეკონომიკის და ქონების მართვის სამსახური;
- ვ) მერიის იურიდიული სამსახურის წარმომადგენელი;
- ზ) მერიის საფინანსო-საბიუჯეტო სამსახურის წარმომადგენელი;
- თ) მერიის ადმინისტრაციული და შესყიდვების სამსახურის წარმომადგენელი;
- ი) მერის სამოქალაქო მრჩეველთა საბჭოს წარმომადგენელი.

მერი უზრუნველყოფს სამდივნოში, სოფლის მეურნეობის, ტურიზმის და დასაქმების მიმართულებით მომუშავე საერთაშორისო/ადგილობრივი საზოგადოებრივი ორგანიზაციების წარმომადგენლების და თემატური ექსპერტების მონაწილეობას, მათი მიმართვის საფუძველზე.

სამდივნოს საქმიანობას ორგანიზებას უწევს და თავმჯდომარეობს მერის მოადგილე.

სამდივნოს საქმიანობის წესი, შემადგენლობა და სამდივნოს წევრთა შემადგენლობის ცვლილება მტკიცდება მერის ბრძანებით, პროგრამის ბენეფიციარების, სამიზნე მუნიციპალიტეტ(ებ)ისა და შესაბამისი პარტნიორი ორგანიზაცი(ებ)ის ცვლილების შესაბამისად.

პროგრამის ფარგლებში მიღებული განაცხადებიდან გამარჯვებული კანდიდატების

შერჩევის მიზნით, იქმნება საკონკურსო კომისია (შემდგომში - კომისია).

კომისიის შემადგენლობას სამდივნოს წარდგინებით წელიწადში ერთხელ ამტკიცებს მერი.

კომისიის შემადგენლობა განისაზღვრება შემდეგი წესით:

ა) მერის მოადგილე;

ბ) საკრებულოს გენდერული თანასწორობის საბჭოს თავმჯდომარე;

გ) საქართველოს რეგიონული განვითარებისა და ინფრასტრუქტურის სამინისტროს წარმომადგენელი;

დ) ა(ა)იპ სოფლის განვითარების სააგენტოს წარმომადგენელი;

ე) პროგრამის პარტნიორი ორგანიზაციების წარმომადგენლები;

ვ) ადგილობრივი არასამთავრობო ორგანიზაციის წარმომადგენელი.

პროგრამის ფარგლებში გამოცხადებული ბიზნეს იდეების კონკურსში მონაწილეობას იღებს ლანჩხუთის ტერიტორიაზე რეგისტრირებული:

ა) 18 წელს მიღწეული საქართველოს მოქალაქე, ფიზიკური პირი, რომელსაც პროექტის გამარჯვების შემთხვევაში წარმოეშობა ინდივიდუალურ მეწარმედ ან იურიდიულ პირად დარეგისტრირების ვალდებულება;

ბ) ინდივიდუალური მეწარმე;

გ) მეწარმე იურიდიული პირი.

ბიზნეს იდეის წარდგენა ასევე შეუძლია ფიზიკურ პირს, ინდივიდუალურ მეწარმეს ან/და მეწარმე იურიდიულ პირს, რომელიც არ არის ლანჩხუთის მუნიციპალიტეტის ტერიტორიაზე რეგისტრირებული, თუმცა, დაფინანსების შემთხვევაში, მის მიერ წარმოდგენილი საპროექტო განაცხადი სრულად განხორციელდება ლანჩხუთის მუნიციპალიტეტის ტერიტორიაზე.

პროგრამის ბენეფიციარად (შემდგომში - ბენეფიციარი) ჩაითვლება ფიზიკური ან იურიდიული პირი, რომელიც გადალახავს პროგრამის ბიზნეს იდეების გადარჩევის ეტაპს ან/და გამარჯვებული პროექტის ავტორია.

პროგრამის ბენეფიციარი არ შეიძლება იყოს:

ა) საჯარო მოსამსახურე ან/და მისი ოჯახის წევრი (საჯარო დაწესებულებაში ინტერესთა შეუთავსებლობისა და კორუფციის შესახებ საქართველოს კანონის შესაბამისად);

ბ) პოლიტიკური თანამდებობის პირი ან/და მისი ოჯახის წევრი (საჯარო სამსახურის შესახებ საქართველოს კანონის შესაბამისად);

გ) ცენტრალური და ადგილობრივი ხელისუფლების ორგანოების მიერ ან/და მათი მონაწილეობით დაფუძნებული იურიდიულ პირებში დასაქმებული პირი ან/და მისი ოჯახის წევრი.

პროგრამის დაფინანსების წყაროა ლანჩხუთის მუნიციპალიტეტის 2022 წლის ბიუჯეტი (02 11 პროგრამული კოდით) და პარტნიორი ორგანიზაციიდან მოზიდული სახსრები, რომელიც უნდა შეადგენდეს პროგრამის საერთო ბიუჯეტის არანაკლებ 50%-ს.

პროგრამის დაფინანსების მიზნით პარტნიორი ორგანიზაციებისგან მოზიდული ნებისმიერი ფულადი მხარდაჭერა აისახება მუნიციპალიტეტის ბიუჯეტში.

მერი უფლებამოსილია პროგრამის განხორციელების წლის ბიუჯეტის პროექტში გაითვალისწინოს ან მოამზადოს საბიუჯეტო ცვლილების პროექტი მიმდინარე წლის ბიუჯეტში, სადაც გათვალისწინებული იქნება ხარჯები, პროგრამის საინფორმაციო გამჭვირვის და პროგრამის საგანმანათლებლო აქტივობების დასაფინანსებლად.

პროგრამა მოიცავს განხორციელების შემდეგ ეტაპებს:

- ა) ბიზნეს იდეების კონკურსის გამოცხადება;
- ბ) ბიზნეს იდეების მიღება;
- გ) ბიზნეს იდეების გადარჩევა;
- დ) ბენეფიციარების გადამზადება;
- ე) ბიზნეს გეგმების წარდგენა;
- ვ) ბიზნეს გეგმების შეფასება;
- ზ) გამარჯვებული პროექტების გამოცხადება;
- თ) გამარჯვებული პროექტების დაფინანსება;
- ი) გამარჯვებული პროექტების მიმდინარეობის მონიტორინგი;
- კ) პროგრამის შეფასება.

ბიზნეს იდეების კონკურსს სამდივნოს წარდგინებით აცხადებს მერი, მუნიციპალიტეტის ბიუჯეტის დამტკიცებიდან ორი თვის ვადაში.

ბიზნეს იდეები მიიღება კონკურსის გამოცხადებიდან ერთი თვის განმავლობაში, როგორც მატერიალური, ასევე ელექტრონული ფორმით (მუნიციპალიტეტის ელ. ფოსტის lanchkhuti@yahoo.com) და მას ენიჭება სპეციალური ნომერი.

სამდივნოს ხელმძღვანელის დავალებით, სამდივნოს ერთ-ერთი წევრს ეკისრება პასუხისმგებლობა, მიიღოს მუნიციპალიტეტის მერიის კანცელარიაში რეგისტრირებული განაცხადები და შემოსული განაცხადის ფორმის არასწორად/არასრულად შევსების ან კონკურსის პირობებთან შეუსაბამო სხვა გარემოებების არსებობის შემთხვევაში, კონკურსსანტებს აღმოუჩინოს შესაბამისი საინფორმაციო მხარდაჭერა და ხარვეზის აღმოსაფხვრელად განუსაზღვროს გონივრული ვადა, რომელიც საჭიროების შემთხვევაში შეიძლება გაგრძელდეს ბიზნეს იდეების მიღების დასრულებიდან არაუმეტეს ერთი კვირისა.

ბიზნეს იდეების გადარჩევას უზრუნველყოფს პროგრამის სამდივნო კონკურსის დასრულებიდან ორი კვირის ვადაში.

ბიზნეს იდეების გადარჩევის ძირითადი კრიტერიუმებია:

- ა) ბიზნეს იდეის ავტორი ლანჩხუთის მუნიციპალიტეტში რეგისტრირებული 18 წელს მიღწეული ფიზიკური პირია (მათ შორის, ინდივიდუალური მეწარმე);
- ბ) ბიზნეს იდეის ავტორი ლანჩხუთის მუნიციპალიტეტში რეგისტრირებული იურიდიული პირია, რომლის წლიური ბრუნვა არ აღემატება 100 000 ლარს;
- გ) ბიზნეს იდეის ავტორი ფიზიკური პირი, ინდივიდუალური მეწარმე ან/და მეწარმე იურიდიული პირია, რომელიც არ არის ლანჩხუთის მუნიციპალიტეტის ტერიტორიაზე რეგისტრირებული, თუმცა, დაფინანსების შემთხვევაში, მის მიერ წარმოდგენილი საპროექტო განაცხადი სრულად განხორციელდება ლანჩხუთის მუნიციპალიტეტის ტერიტორიაზე;
- დ) ბიზნეს იდეა მოიცავს წარმოებას ან მომსახურების მიწოდებას, აგრარული, ტურისტული ან აგროტურისტული მიმართულებით, ლანჩხუთის მუნიციპალიტეტის ტერიტორიაზე ან ტერიტორიიდან;
- ე) განაცხადით მოთხოვნილი თანხა არ აღემატება 15,000 ლარს;
- ვ) იდეის ავტორი არ წარმოადგენს ამ დანართის მე-7 მუხლის, მე-3 პუნქტით განსაზღვრულ პირს;
- ზ) იდეის ავტორი არ არის რეგისტრირებული მოვალეთა რეესტრში;
- თ) სრულად არის შევსებული ამ დადგენილების დანართით დამტკიცებული ბიზნეს იდეის ფორმა.

სასწავლო პროგრამის დასრულებიდან ორი კვირის ვადაში, ბენეფიციარები სამდივნოს წარუდგენენ ბიზნეს გეგმებს მატერიალური ან ელექტრონული ფორმით.

ბიზნეს გეგმები მიიღება მუნიციპალიტეტის კანცელარიაში და მას ენიჭება ინდივიდუალური ნომერი.

სამდივნოს ხელმძღვანელის დავალებით, სამდივნოს ერთ-ერთი წევრს ეკისრება პასუხისმგებლობა, მიიღოს მუნიციპალიტეტის მერიის კანცელარიაში რეგისტრირებული ბიზნეს გეგმები და მოამზადოს კომისიისთვის გადასაცემად.

ბიზნეს გეგმების შეფასებას უზრუნველყოფს პროგრამის საკონკურსო კომისია.

გამარჯვებული პროექტების შესახებ სარეკომენდაციო გადაწყვეტილებას იღებს და მერს წარუდგენს საკონკურსო კომისია, შეფასების პროცესის დასრულებიდან 10 დღის ვადაში.

პროგრამის ფარგლებში დასაფინანსებელი პროექტების მინიმალური რაოდენობა უდრის პროგრამის განსახორციელებლად გამოყოფილი თანხის მოცულობა (არ იანგარიშება სასწავლო და საინფორმაციო მხარდაჭერის კომპონენტებისთვის გამოყოფილი თანხა) გაყოფილი 15 000-ზე.

დასაფინანსებელი პროექტების რაოდენობის სულ მცირე ნახევარი განაწილდება სარეიტინგო სიაში საუკეთესო შედეგების მქონე ქალ განმცხადებლებზე.

გამარჯვებული პროექტის ავტორ ფიზიკურ პირს, გამარჯვებულად გამოცხადების მომენტიდან გონივრულ ვადაში, მაგრამ არანაკლებ 10 კალენდარულ დღეში, წარმოეშობა ინდივიდუალურ მეწარმედ ან იურიდიულ პირად დარეგისტრირების ვალდებულება.

პროგრამის გამარჯვებული პროექტის ავტორსა და მუნიციპალიტეტს შორის ფორმდება ხელშეკრულება, რომელიც არეგულირებს მხარეთა შორის სამართლებრივ ურთიერთობებს.

მიმდინარე წლის პროგრამის ფარგლებში ერთი ბენეფიციარისთვის შეიძლება დაფინანსდეს მხოლოდ ერთი პროექტი და დაფინანსების მოცულობა შეადგენს არაუმეტეს 15 000 ლარს.

კომისიის გადაწყვეტილებით ბენეფიციარის მიერ წარმოდგენილი ბიზნეს გეგმა შეიძლება დაფინანსდეს სრულად ან ნაწილობრივ.

ბიზნეს გეგმის ნაწილობრივ დაფინანსების გადაწყვეტილება კომისიის მიერ საჭიროებს წერილობით დასაბუთებას.

პროექტის დაფინანსებისთვის გადაცემული თანხის სრული ათვისება უნდა მოხდეს პროგრამის მიმდინარეობის წლის ბოლომდე. ათვისებელი თანხა რჩება მუნიციპალიტეტის ბიუჯეტში.

პროექტის დამტკიცებული ბიუჯეტის მიხედვით გათვალისწინებული საქონლის ან/და მომსახურების შესყიდვისთვის ბენეფიციარისთვის თანხის ჩარიცხვა ხდება ეტაპობრივად, ხარჯის გაწევის წინასწარ წარმოდგენილი დოკუმენტის (ინვოისი) მიხედვით.

სამუშაო ჯგუფი ბიზნეს გეგმის დასაფინანსებლად გამოყოფილი თანხების ათვისების დაწყებიდან მისი სრულად ათვისებამდე პერიოდში, ბენეფიციართა საქმიანობის ეფექტიანობისა და ეფექტურობის მონიტორინგს ახორციელებს არანაკლებ 2-ჯერ.

პროგრამის განხორციელების წლიურ ანგარიშს საკრებულოს წარუდგენს სამდივნოს ხელმძღვანელი, არაუგვიანეს მუნიციპალიტეტის ბიუჯეტის შესრულების ანგარიშის წარდგენამდე.

საკრებულო ცნობად იღებს და აფასებს პროგრამის განხორციელების წლიურ ანგარიშს.

სამდივნოს ხელმძღვანელი ვალდებულია პროგრამის მიმდინარეობის თითოეულ ეტაპზე უზრუნველყოს გამჭვირვალობის მაღალი სტანდარტი.

პროგრამის ფარგლებში პროაქტიულად უნდა გამოქვეყნდეს შემდეგი სახის ინფორმაცია:

ა) პროგრამის განხორციელების წესი;

ბ) შესაბამისი საბიუჯეტო პროგრამა;

გ) სამდივნოს საქმიანობის წესი და მისი შემადგენლობა;

დ) მერის ბრძანება კომისიის შექმნის შესახებ;

ე) პროგრამის საკომუნიკაციო სტრატეგია;

ვ) გამარჯვებული ბიზნეს გეგმების ჩამონათვალი;

ზ) პროგრამის შეფასების ანგარიში;

თ) პროგრამის ფარგლებში შექმნილი მეთოდოლოგიური მასალა და განაცხადების შაბლონები.

ინფორმაცია პროაქტიულად უნდა გამოქვეყნდეს იმგვარი ფორმით, რომ მისი გამოქვეყნების დროს დაცული იყოს ბენეფიციართა პერსონალური ინფორმაცია და კომერციული საიდუმლოება.

მერიის იურიდიული სამსახურის უფროსმა **შოთა ჩაგუნავამ** განმარტა, რომ წარმოდგენილ პროექტში გათვალისწინებულია კომისიებში გამოთქმული შენიშვნები, კერძოდ, პროგრამის საკოორდინაციო სამდივნოს შემადგენლობაში სავალდებულოდ და თანამდებობრივად შედიან:

ა) საკრებულოს საფინანსო-საბიუჯეტო კომისიის წარმომადგენელი;

ბ) საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის წარმომადგენელი;

გ) საკრებულოს გენდერული თანასწორობის საბჭოს სამი წარმომადგენელი.

საკრებულოს წევრი **ელისო ჭიჭინაძე** დაინტერესდა, რამდენი პროექტის დაფინანსება იქნება შესაძლებელი აღნიშნული თანხით.

საკრებულოს წევრმა **ჯუმბერ ბლაგიძემ** აღნიშნა, რომ ის მიესალმება ლანჩხუთის მუნიციპალიტეტში მეწარმეობის განვითარებას, მაგრამ სასურველი იქნება, თუ პროგრამის განსახორციელებლად გამოყოფილი თანხის მოცულობა (15000 ლარი) გაიზრდება.

საკრებულოს ფრაქცია „ქართული ოცნება-დემოკრატიული საქართველოს“ თავმჯდომარემ **ია მოქიამ** აღნიშნა, რომ ფრაქცია „ქართული ოცნება-დემოკრატიულმა საქართველომ“ განიხილა და მოიწონა ლანჩხუთის მუნიციპალიტეტის მეწარმეობის განვითარების პროგრამის პროექტი და ფრაქციის სახელით მადლობა გადაუხადა დონორ ორგანიზაციებს და პროექტის ავტორებს.

საკრებულოს თავმჯდომარის მოადგილე **გიორგი ჩახვაძე** დაინტერესდა, შესაძლებელია თუ არა აღნიშნული პროგრამის განსახორციელებლად, სასწავლო კომპონენტით გათვალისწინებული ტრენინგები ბენეფიციართა გადასამზადებლად, ჩაატაროს ა(ა)იპი ლანჩხუთის მუნიციპალიტეტის ეკონომიკური განვითარებისა და ინოვაციების ცენტრმა, რადგან ამ კომპონენტისთვის საჭირო თანხები არ გავიდეს მუნიციპალიტეტის ბიუჯეტიდან.

საკრებულოს წევრმა **დარეჯან ბურჭულაძემ** აღნიშნა, რომ ის მხარს დაუჭერს ადგილობრივი ბიზნესისა და ტურიზმის განვითარების ნებისმიერ პროექტს და განსაკუთრებით მიესალმება ლანჩხუთის მუნიციპალიტეტში მეწარმეობის განვითარებას. მან საკუთარი გამოცდილებიდან გამომდინარე აღნიშნა, რომ მსგავსი ტიპის პროექტებში სასწავლო კომპონენტს ძირითადად ახორციელებენ პარტნიორი არასამთავრობო ორგანიზაციები.

საკრებულოს წევრი **გიორგი გოგუაძე** დაინტერესდა, რა შედეგი გამოიღო ინვესტიციების მოსაზიდად ადგილობრივი ხელისუფლების წარმომადგენლების ვიზიტმა თურქეთის რესპუბლიკაში, რომელიც დაფინანსებული იქნა მუნიციპალიტეტის ბიუჯეტის თანხებით და რა ხდება ესპანელი და ირანელი ინვესტორების მიერ მუნიციპალიტეტში ინვესტიციების განხორციელების თაობაზე გავრცელებული ინფორმაციის ირგვლივ.

მერიის იურიდიული სამსახურის უფროსმა **შოთა ჩაგუნავამ** განმარტა, რომ პროგრამის

დაფინანსების წყაროა ლანჩხუთის მუნიციპალიტეტის 2022 წლის ბიუჯეტი და პარტნიორი ორგანიზაციიდან მოზიდული სახსრები, რომელიც უნდა შეადგენდეს პროგრამის საერთო ბიუჯეტის არანაკლებ 50%-ს და აღნიშნული თანხა განკუთვნილია პროგრამის სასწავლო კომპონენტისთვის და შემდგომში, მოწონებული პროექტების დასაფინანსებლად - თითოეულზე არაუმეტეს 15000 ლარისა, ხოლო დასაფინანსებელი პროექტების რაოდენობა დამოკიდებული იქნება რეგისტრირებული პირების რაოდენობაზე. მან ასევე განმარტა, რომ აღნიშნული პროგრამა არის საცდელი და დონორმა თანხის ეს რაოდენობა საწყისი ეტაპისთვის საკმარისად ჩათვალა, ხოლო შემდგომში, საჭიროებისამებრ შესაძლებელია დაფინანსების თანხა გაიზარდოს.

საკრებულოს წევრების მიერ დადგენილების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარემ ბესიკ ტაბიძემ კენჭი უყარა დადგენილების პროექტს.

**კენჭისყრას ესწრებოდა საკრებულოს 22 წევრი.
მომხრე საკრებულოს 22 წევრი, წინააღმდეგი არც ერთი.
მიღებულ იქნა დადგენილება N14(05.05.2022)**

ამით საკრებულოს რიგგარეშე სხდომამ მუშაობა დაასრულა.

ბესიკ ტაბიძე

ლანჩხუთის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ლანჩხუთის მუნიციპალიტეტის საკრებულოს რიგგარეშე სხდომაზე საკრებულოს წევრთა დასწრების სარეგისტრაციო ფურცელი

5 მაისი 2022 წელი
12:00 საათი

№	სახელი, გვარი	გამოცხადების დრო	ხელმოწერა
1	ბესიკ ტაბიძე	11:55	
2	ემზარ თევდორაძე		
3	ვერიკო კვიციანი	11:50	
4	გიორგი ჩახვაძე	11:55	
5	გიორგი ხელაძე	11:55	
6	ალექსანდრე მახათაძე	11:50	
7	ზაზა წულაძე	11:50	
8	კარლო კვიციანი	11:55	
9	გიორგი იმნაიშვილი	11:57	
10	ია მოქია	12:00	
11	კახაბერ ასკურავა	11:50	
12	მაკა მშვიდლობაძე	11:55	
13	ვლადიმერ ნანაძე	11:50	
14	კარლო წილოსანი	11:55	
15	ლოლიტა ურუშაძე		
16	ნინო მშვიდლობაძე	12:00	
17	გოგი მორჩილაძე	12:04	
18	სპარტაკ კვაჭაძე	12:00	
19	გიორგი გოგუაძე	11:50	
20	გოჩა ჯანაშია	11:55	
21	ელისო ჭიჭინაძე	10:15	
22	რევაზ კვერენხილაძე	12:00	
23	კახა თევდორაძე		

24	დარეჯან ბურჭულაძე	11 50	ა-კაზ
25	ირმა მგელაძე		
26	გივი ცინცაძე		
27	ჯუმბერ ბლაგიძე	11 50	ქლო